

պիսի¹ յայտնութեան պատասխանւոյ. եւ զամենայն աւուրս կենաց իւրոց գոհանայր եւեթ² յամենայն ժամ անդադար³:

(ԳԼՈՒԽ 2.)

1 Յաղագս վարուց սրբոյն Գրիգորիսի⁴:

2 Այլ վասն Գրիգորիսի եպիսկոպոսի որդւոյ Վրթանայ, եղբար⁵ Յուկանն, որ կաթողիկոս⁶ էր կողմանցն Վրաց եւ Աղուանից, իբրեւ եկաց սա⁷ յիրում պաշտամանն, մինչ դեռ մանուկ իսկ էր, շինեաց նորոգեաց զամենայն եկեղեցիսն⁸ կողմանցն այնոցիկ, եւ ձգեցաւ ի կողմանց Ատրպատականի: 3 Քարոզ ճշմարտութեան հաւատոցն Քրիստոսի լինել նա, եւ առաջի իսկ⁹ ամենեցուն էր սքանչելի եւ զարմանալի¹⁰. իստագոյն եւ դժուարագոյն անհամարք¹¹ ծանրաբեռն վարուցն կրթութիւնք իստամբերութեանն¹², պահաւք եւ սրբութեամբ, տքնական հսկութեամբն, անձանձոյթ աղաւթիցն ջերմութիւն¹³ առ Աստուած կանխելոյ¹⁴ վասն ամենայն մարդոյ¹⁵: 4 Չաւետարանական ընթացսն եւ զվերակացութիւն եկեղեցւոյ սրբոյ շնորհաւք Աստուծոյ առանց պակասութեան տաներ: 5 Առաւել եւս փութայր, գուն եղեալ յորդորելով զամենեսեան¹⁶ առ ի բարեացն քաջալերութիւն, զցայգ եւ զցերեկ պահաւք¹⁷ եւ աղաւթիւք եւ ուժգին ինդրուածովք եւ բարձրակալ կատարման հաւատովք՝ մերձաւորաց եւ հեռաւորաց¹⁸ զհոգեւոր զեռանդն¹⁹ ածեր: 6 Իբրեւ զպատերազմասեր նահատակ՝ միշտ զանձն ի կրթութեան եւ ի պատրաստութեան ունէր ամենայն փորձութեանց եւ վշտաց, առ ի տալ

1 Բ, Գ այնպիսի

2 Ա չունի՝ եւեթ

3 Գ յաւելու՝ զՏեառնէ Աստուծոյ. Դ ունի ի հաւաքէ՛ ճառընտրին՝ անդադար փառաւորելով զԱստուած յաւիտեանս յաւիտենից. ամեն

4 Բ, Գ Յաղագս սրբոյն Գրիգորիսի վախճանին. Դ նոյնպէս, եւ չունի՝ սրբոյն

5 Բ, Գ եղբորն

6 Բ կաթողիկոս

7 Բ, Գ, Դ նա

8 Ա չունի՝ զամենայն, եւ գրէ՝ զեկեղեցիսն

9 Դ չունի՝ իսկ

10 Բ զարմանալի եւ սքանչելի

11 Դ անհամար

12 Դ իստամբերութեամբ

13 Դ ջերմութեամբ

14 Ա, Գ կանխելոց

15 Ա մարդոց

16 Ա, Դ զամենայն

17 Դ պահովք

18 Դ հեռաւորաց եւ մերձաւորաց

19 Բ եռանդն